

四庫全書

子部

欽定四庫全書

玉海卷二十五

宋 王應麟 撰

地理

標界

周畿疆 畿封

大司徒制其畿疆而溝封之注疆猶界也封起土界也
封人畿封注畿上有封若今時界 公羊傳自陝而

東周公主之自陝而西召公主之注陝今弘農陝縣
書正義公羊傳漢世之書陝縣漢之弘農郡所治其地
居二京之中故以為二伯分掌之界 史記正義括地
志云陝原在陝縣西南二十五里分陝不因其城乃從
原為界 後漢志弘農郡陝有陝陌注博物記二伯所
分 集古錄陝州有石柱相傳以為周召分陝所立以
別地里唐人作銘

漢銅柱

又見下

後漢伏波將軍馬援征南蠻立銅柱為漢界而南蠻懼

不敢侵 馬援傳交趾女側貳反拜伏波將軍討斬之

嶠南悉平

廣州記曰援到交趾立銅柱為漢之極界也 建武十九年

晉地理志

日南郡象林注今有銅柱漢立此為界貢金供稅 隋

書大業元年劉方敗林邑逕馬援銅柱南八日至其國

都刻石紀功

唐南蠻傳環王本林邑

林邑本漢象林縣

其南

大浦有五銅柱山形若倚蓋

周十里

西重巖東涯海漢馬

援所植也至明皇時詔何履光以兵定南詔取安寧城

及鹽井復立馬援銅柱乃還 馬援傳元和中

舊史在四年

以虔州刺史遷安南都護廉清不撓用儒術教其俗政

事嘉美獠夷安之建二銅柱於漢故處鏡著唐德以明

伏波之裔 五代史晉天福五年楚馬希範平羣蠻自

謂伏波之後立銅柱於溪州

高一丈二尺入地六尺銘誓狀於上

水經

注楊氏南裔異物志曰昔馬文淵積石為塘達于象浦

建金標為南極之界林邑記曰建武十九年馬援植兩

銅柱於象林南界與西屠國分漢之南疆也 本朝太

平興國七年三月詔辰州不得移部內馬氏所鑄銅柱

前漢武帝鑄栢梁銅柱 晉應詹為南平太守召蠻酋

破銅券與盟 焦貢易林旅之咸曰金梁鐵柱

唐鐵柱勒功

中宗紀景龍元年六月戊子吐蕃及姚州蠻寇邊姚舊

道討擊使唐九徵敗之 吐蕃傳證聖二年

武后

監察御

史李知古建言討姚州蠻削吐蕃向導詔發劍南募士
擊之蠻酋以情輸虜殺知古尸以祭天進攻蜀漢詔靈

武監軍右臺御史唐九徵為姚嵩道討擊使率兵擊之

虜以鐵絙梁漾濞二水通西洱蠻築城戍之九徵毀絙

夷城建鐵柱於滇池以勒功

水經注滇池周三百許里上源深廣下流淺狹似如

倒池元封三年立益郡治滇城漢地理志益州滇池縣其澤在西北志諸蠻州昆州武德元年開南中置

有滇池在通鑑景龍元年一云神龍三年六月唐九徵擊姚

州叛蠻破之斬獲三千餘人

舊史俘虜三千餘立碑紀功

張九齡

集教吐蕃書云鐵柱書唐九徵所作百姓咸知彼中鐵

柱州圖地記是唐九徵所記之地

唐赤嶺表界碑

吐蕃傳開元中吐蕃請交馬於赤嶺互市於甘松嶺宰相裴光庭曰甘松中國阻不如許赤嶺乃聽以赤嶺為界表以大碑刻約其上令金吾將軍李佺監赤嶺立碑長慶二年吐蕃請定疆候大理卿劉元鼎為盟會使與論訥羅就盟其國元鼎踰成紀武川至龍支城過石堡城崖壁峭立道回屈虜曰鐵刀城右行數十里土石皆赤虜曰赤嶺而信安王諱張守珪所定封石皆仆獨虜

所立石猶存赤嶺距長安三千里而羸蓋隴右故地也
地理志鄯州鄯城天威軍又西二十里至赤嶺其西
吐蕃有開元中分界碑 舊紀開元二十二年六月乙
未遣左金吾將軍李佺於赤嶺與吐蕃分界立碑 通
鑑開元二十一年二月丁酉金城公主請立碑於赤嶺
以分唐與吐蕃之境許之二十六年六月辛丑命蕭景
杜希望王昱分道經畧吐蕃毀所立赤嶺碑 會要開
元二十一年二月金城公主請以今年九月一日立碑

詔張守珪李行禕與其使莽布支同訖其事 李嵩傳
開元二十一年以工部尚書持節使吐蕃既還金城公
主請明疆場表石赤嶺上盟遂堅定 解琬傳授左常
侍詔與虜定經界請調兵十萬屯秦渭防遏

唐銅柱 吳銅柱

舊書馬摠元和四年兼御史中丞充嶺南都護本管經
畧使在南海累年清廉不撓夷獠便之於漢所立銅柱
之處以銅一千五百斤特鑄二柱刻書唐德以繼伏波

之迹以綏蠻功就加金紫八年轉桂州刺史桂管經畧
觀察使地理志後漢遣馬援討林邑蠻援自交趾尋
海隅開側道以避海從蕩昌縣南至九真郡自九真至
其國開陸路至日南郡又行四百餘里至林邑國又南
行二千餘里有西屠夷國鑄二銅柱於象林南界與西
屠夷分境以紀漢德之盛其時以不能還者數十人留
於其銅柱之下至隋乃有三百餘家南蠻呼為馬留人
柳宗元集安南都護張公銘曰疆場之制一彼一此

而不可常乃復銅柱為正制鼓鑄既施精堅是立固圉
之下明若白黑易野之守險踰丘陵 五代史溪州西
接牂牁兩林南通桂林象郡馬希範乃立銅柱以為表
命學士李臯銘之 太平御覽俞益期牋曰馬文淵昔
立兩銅柱於林邑岸北有遺兵十餘家不反居壽冷岸
南對銅柱悉姓為馬有二百戶交州以流寓號曰馬流
山川移易銅柱今沒在海中正賴此民以識故處
水經注同
日南傳曰三銅柱 神異經崑崙山有銅柱其高

入天所謂天柱也

其柱銘曰云云

衡山縣有銅柱吳黃武二

年程普與蜀將關侯分界

戰國策董子治晉陽公宮

之室以鍊銅為柱質

漢武內傳上起神屋鑄銅為柱

晉書武帝營太廟鑄銅柱十二

洛陽記

華延

太極

殿有四金銅柱

唐底柱銘

元和志底柱山俗名三門山在硤石縣東北五十里黃河
中禹貢曰導河積石至于龍門又東至于底柱柱水

分流包山山見水中若柱然也又以禹理洪水山陵當
水者破之以通河三穿既決河出其間有似於門故亦
謂三門漢鴻嘉四年楊焉上言底柱之險可鑄廣之上
乃令鑄之鏡沒水中不能復去而令湍流沸怒為害彌
甚隋開皇三年遣韋瓚自蒲陝以東募人能於洛陽運
米四十石經砥柱之險達于常平者免其征戍貞觀十
二年太宗東巡臨幸於此令魏徵勒銘

又見前類

祥符鐵柱

二年九月戊午以丁謂招撫夔州蠻令歃血為盟刻石

鐵柱為記事付之

一云作誓刻石柱立境上

議邊

漢臣籌策

漢書高祖六年九月韓王信以馬邑降匈奴七年冬十月冒頓圍帝於白登七日用陳平秘計解圍出八年上問劉敬對曰以適長公主妻之厚奉遺之九年冬上取家人子名為長公主以妻單于使敬往結和親約惠帝

三年春冒頓為書遺高后辭極褻嫚高后大怒召將相大臣議斬其使者發兵擊之樊噲曰願得十萬衆橫行匈奴中中郎將季布曰噲可斬也前匈奴圍高帝於平城漢兵三十二萬噲為上將軍不能解圍今傷夷甫起而噲欲搖動天下是面諷也且匈奴之獷悍得其善言不足喜惡言不足怒也后曰善報書謝之因獻馬遂和親文帝六年十月單于遺漢書願除前事復故約帝報書老上單于立中行說降單于令漢所輸繒絮米糲量

中必善美梁太傅賈誼上疏曰天下之執方倒懸匈奴
嫚侮侵掠而漢歲致金絮采繒以奉之足反居上首顧
居下可為流涕者此也翫細娛而不圖大患非所以為
安也欲試屬國施五餌三表以係單于

師古注愛人之
狀好人之技仁

道也信為大操常義也愛好有實已諾可期十死一生
彼將必至此三表也賜之盛服車乘以壞其目賜之盛
食珍味以壞其口賜之音樂婦人以壞其耳賜之高堂
邃宇倉庫奴婢以壞其腹於來降者上以召幸之相娛
樂親酌而手食之以壞時匈奴強寇邊上發兵以禦之
其心此五餌也本傳

十一年正月晁錯上言兵事曰臣聞漢興以來胡虜數

入邊地小入則小利大入則大利高后時再入隴西攻城屠邑毆畧畜產其後復入隴西殺吏卒大寇盜切聞戰勝之威民氣百倍敗兵之卒沒世不復自高后以來隴西三困於匈奴矣民氣破傷無有勝意今茲隴西之吏賴社稷之神靈奉陛下之明詔和輯士卒底厲其節起破傷之民以當乘勝之匈奴以少擊衆殺一王敗其衆而有大利非隴西之民有勇怯乃將吏之制巧拙異也故兵法曰有必勝之將無必勝之民由此觀之安邊

境立功名在於良將不可不擇也臣又聞用兵臨戰合
刃之急者三一曰得地形二曰卒服習三曰器用利臣
又聞大小異形強弱異勢險易異備夫卑身以事強小
國之形也合小以攻大敵國之形也以蠻夷攻蠻夷中
國之形也今匈奴地形技藝與中國異上下山阪出入
溪澗中國之馬弗與也險道傾仄且馳且射中國之騎
弗與也風雨罷勞飢渴弗困中國之人弗與也此匈奴
之長技也若夫平原易地輕車突騎則匈奴之衆易撓

亂也勁弩長戟射疏及遠則匈奴之弓弗能格也堅甲
利刃長短相雜游弩往來什伍俱前則匈奴之兵弗能
當也材官驍發矢道同的則匈奴之革筈木薦弗能支
也下馬地鬪劒戟相接去就相薄則匈奴之足弗能給
也此中國之長技也以此觀之匈奴之長技三中國之
長技五陛下又興數十萬之衆以誅數萬之匈奴衆寡
之計以一擊十之術也雖然兵凶器戰危事也故以大
為小以強為弱在俛仰之間耳夫以人之死爭勝跌而

不振則悔之無及也帝王之道出於萬全今降胡義渠蠻夷之屬來歸誼者其衆數千飲食長技與匈奴同可賜以堅甲絮衣勁弓利矢益以邊郡之良騎令明將知習俗和輯其心者以陛下之明約將之即有險阻以此當之平地通道則以輕車材官制之兩軍相為表裏各用其長技衡加之以衆此萬全之術也又言守邊備塞之策曰胡人衣食之業不著於地其勢易以撓亂邊境何以明之胡人食肉飲酪衣皮毛非有城郭田宅之歸

居如飛鳥走獸於廣埜美草甘水則止草盡水竭則移以是觀之往來轉徙時至時去此胡人之生業而中國之所以離南畝也今使胡人數處轉牧行獵塞下或當燕代或當上郡北地隴西以候備塞之卒卒少則入陞下不救則邊民絕望而有降敵之心救之少發則不足多發遠縣纔至則胡又已去聚而不罷為費甚大罷之則復入如此連年則中國貧苦而民不安矣陛下幸憂邊境遣將吏發卒以治塞甚大惠也然令遠方之卒守

塞一歲而更不知胡人之能不如選常居者家室田作
且以備之以便為之高城深塹具藺石布渠荅復為一
城其內城間百五十步要害之處通川之道調立城邑
毋下千家為中周虎落先為室屋具田器廼募臯人及
免徒復作令居之不足募以丁奴婢贖臯及輸奴婢欲
以拜爵者不足募民之欲往者皆賜高爵復其家予冬
夏衣廩食能自給而止此與東方之戍卒不習地勢而
心畏胡者功相萬也上從其言募民徙塞下

本傳武帝元

光元年匈奴請和親上下其議大行王恢習胡事議曰
漢與匈奴和親率不過數歲即倍約不如勿許舉兵擊
之御史大夫韓安國曰匈奴負我馬足懷鳥獸心遷徙
鳥集難得而制得其地不足以為廣有其衆不足以為
強自上古弗屬漢數千里爭利則人馬罷乏虜以全制
其敝勢必危殆臣故以為不如和親羣臣議者多附安
國上許之明年鴈門馬邑豪聶壹因王恢言匈奴初和
親親信邊可誘以利致之伏兵襲擊必破之道也上乃

召問公卿王恢曰臣聞全代之時北有強胡之敵內連中國之兵然尚得養老長幼種植以時倉廩常實匈奴不輕侵也今以陛下之威海內為一天下同任又遣子弟乘邊守塞轉粟輓輸以為之備然匈奴侵盜不已者無他以不恐之故耳臣竊以為擊之便安國曰不然臣聞高皇帝困於平城匈奴至者投鞭高如城者數所平城之飢七日不食天下歌之及解圍反位而無忿怒之心夫聖人以天下為度者也不以己私怒傷天下之功

故乃遣劉敬奉金千斤以結和親至今為五世利孝文
皇帝又嘗壹擁天下精兵聚之廣武常賂然終無尺寸
之功而天下黔首無不憂者孝文寤於兵之不可宿故復
合和親之約此二聖之迹足以為效矣臣竊以為勿擊
便恢曰不然臣聞五帝不相襲禮三王不相復樂非故
相反也各因世宜也且高帝身被堅執銳蒙霧露沐霜
雪行幾十年所以不報平城之怨者非力不能所以休
天下之心今邊境數驚士卒傷死中國樞車相望此仁

人之所隱也臣故曰擊之便安國曰不然臣聞利不十者不易業功不百者不變常是以古之人君謀事必就祖發政占古語重作事也自三代之盛夷狄不與正朔服色非威不能制強弗能服也以爲遠方絕地不牧之民不足煩中國也且匈奴輕疾悍亟之兵也至如猋風去如收電畜牧爲業弧矢射獵逐獸隨草居處無常難得而制今使邊郡久廢耕織以支胡之常事其勢不相權也臣故曰勿擊便恢曰不然臣聞鳳鳥乘於風聖人

因於時昔秦穆公都雍地方三百里知時宜之變攻取
西戎辟地千里并國十四隴西北地是也及後蒙恬為
秦侵胡辟數千里以河為境累石為城植榆為塞匈奴
不敢飲馬於河置婁巒然後牧馬夫匈奴獨可以威服
不可以仁畜也今以中國之盛萬倍之資遣百分之一
以攻匈奴譬如以强弩射且潰之癰也必不留行矣若
此則北發月氏可得而臣也臣故曰擊之便安國曰不
然臣聞用兵者以飽待飢正治以待其亂定舍以待其

勞故接兵覆衆伐國隳城常坐而役敵國此聖人之兵也且臣聞之衝風之衰不能起毛羽强弩之末不能入魯縞夫盛之有衰猶朝之有暮也今將卷甲輕舉深入長敵難以爲功從行則迫脅衝行則中絕疾則糧乏徐則後利不至千里人馬乏食兵法曰遺人獲也意者有他繆巧可以擒之則臣不知也不然未見深入之利也臣故曰勿擊便恢曰不然夫草木遭霜者不可以風過清水明鏡不可以形逃通方之士不可以文亂今臣言

擊之者固非發而深入也將順因單于之欲誘而致之
邊吾選集騎壯士陰伏而處以為之備審遮險阻以為
其戒吾勢已定或營其左或營其右或當其前或絕其
後單于可擒百全必取上曰善迺從恢議六月將車騎
材官三十餘萬匿馬邑旁安國傳元朔三年通西南夷東
置蒼海北築朔方公孫弘諫上使朱買臣難以置朔方
之便發十策弘不得一弘傳宣帝元康中匈奴遣兵擊漢
屯田車師者不能下上與後將軍趙充國等議欲因匈奴

奴衰弱出兵擊其右地使不敢復擾西域魏相上書諫
曰兵義者王兵應者勝兵忿者敗兵貪者破兵驕者滅
此五者非但人事乃天道也今邊郡困乏難以動兵出
兵雖勝猶有後憂恐災害之變因此以生上從相言而
止相傳成帝河平元年伊邪莫演言欲降下公卿議議者
或言宜如故事受其降光祿大夫谷永議郎杜欽以為
今既享單于聘貢之質而更受其遁逃之臣是貪一夫
之得而失一國之心擁有罪之臣而絕慕義之君也或

者設為反間欲因而生隙受之適合其策使得歸曲而直責不如勿受以昭日月之信抑詐諛之謀懷附親之心從之

匈奴傳

嚴尤曰匈奴為害所從來久矣未聞上世

有必征者也周秦漢征之然皆未有得上策者周得中策漢得下策秦無策焉當周宣王時獫狁內侵至于涇陽命將征之盡境而還其視戎狄之侵譬猶蠱蟲之螫毆之而已故天下稱明是為中策漢武帝選將練兵約齎輕糧深入遠戍雖有克獲之功胡輒報之兵連禍結

二十餘年中國罷耗匈奴亦創艾而天下稱武是為下策秦始皇不忍小恥而輕民力築長城之固延袤萬里轉輸之行起於負海疆場既全中國內竭以喪社稷是為無策班孟堅贊曰久矣夷狄之為患也故自漢興忠言嘉謀之臣曷嘗不運籌策相與爭於廟堂之上乎高祖時劉敬呂后時惠帝三年則樊噲季布孝文時則賈誼晁錯孝武時則王恢韓安國朱買臣公孫弘董仲舒人持其所見各有異同然總其要歸兩科而已搢紳之儒則

守和親介冑之士則言征伐皆偏見一時之利害未究
匈奴之終始也自漢興至今其與匈奴有修文而和親
之有用武而克伐之有卑下而承事之有威服而臣畜
之誑伸異變強弱相反董仲舒欲守舊文頗增其約以
為義動君子利動貪人如匈奴者非可以仁義說也獨
可說以厚利結之於天耳與之厚利以沒其意與盟於
天以堅其約質其愛子以累其心匈奴雖欲展轉奈失
重利欺上天殺愛子何察仲舒之論考諸行事廼知其

未合於當時而有闕於後世也呼韓邪始朝漢議其儀
蕭望之曰宜待以客禮遜而不臣如其後嗣遂逃竄伏
使於中國不為叛臣及孝元時議罷守塞之備侯應以
為不可可謂盛不忘衰安必思危見識遠微之明矣若
乃征伐之功秦漢行事嚴尤論之當矣春秋內諸夏而
外夷狄夷狄之人聖人外而不內疎而不戚政教不及
其人正朔不加其國來則懲而御之去則備而守之其
慕義貢獻則接之以禮遜羈縻不絕使曲在彼蓋聖王

制御蠻夷之常道也

漢羣臣議匈奴 朔方十策

張湯傳匈奴求和親羣臣議前博士狄山曰和親便上

問湯湯曰此愚儒無知通鑑元狩三年嚴安傳上書曰今狗

南夷朝夜郎降羌燧略巖州建城邑深入匈奴燔其龍

城議者美之此人臣之利非天下之長策也元朔元年主

父偃傳上書言九事一事諫伐匈奴曰務戰勝窮武事

者未有不悔者也元朔元年偃盛言朔方地肥饒外阻河蒙

恬築城以逐匈奴內省轉輸戍漕廣中國滅胡之本也
上覽其說下公卿議皆言不便公孫弘曰秦時嘗發三
十萬衆築北河終不可就已而棄之朱買臣難訕弘遂
置朔方本偃計也

二年

公孫弘傳遷御史大夫時東置

蒼海北築朔方之郡弘數諫以為罷弊中國以奉無用
之地願罷之上廼使朱買臣等難弘置朔方之便發十
策弘不得一弘謝曰山東鄙人不知其便若是願罷西
南夷蒼海專奉朔方上廼許之

三年春

匈奴傳揚雄上

書曰往時嘗屠大宛之城蹈烏桓之壘探姑繒之壁藉
蕩姐之場艾朝鮮之旃拔兩越之旗近不過旬月之役
遠不離二時之勞固已犁其庭掃其閭郡縣而置之雲
徹席卷後無餘蓄惟北狄為不然真中國之堅敵也

建平

四年諫不許單
于朝書奏許之

漢議匈奴

後漢書建武二十四年匈奴莫韃日逐王比款塞稱藩
願扞禦北虜事下公卿議皆以為不可許耿國獨曰宜

如孝宣故事受之帝從其議立比為南單于二十七年
五月北匈奴來和親帝召公卿廷議不決皇太子言曰
南單于新附北虜懼見伐故歸義今交通北虜恐南單
于將有二心帝然之告武威太守勿受其使

臧宮馬武
上書詔報

曰不如二十八年北匈奴遣使貢馬及裘乞和親并請

音樂又求率西域諸國俱獻見帝下三府議酬答之宜
司徒掾班彪奏曰臣見其獻益重知其國益虛歸親愈
數為懼愈多今既未獲助南則亦不宜絕北宜頗加賞

賜畧與所獻相當明加曉告以前世呼韓邪郅支故事從之耿秉言兵事以中國虛費邊陲不寧其患專在匈奴以戰去戰盛王之道永平中召詣省闥問前後所上便宜方畧每公卿會議常引秉上殿訪以邊事十五年四月耿秉數上言請擊匈奴使秉實固與祭彤馬廖劉張耿忠等共議十七年十一月北匈奴圍關寵於柳中城寵上書求救詔公卿會議建初中北單于遣使貢獻詔問羣僚議者以為匈奴變詐今若遣使恐失南虜親

附之歡而成北狄猜詐之計班固議曰漢興綏御之方

或修文以和之或用武以征之或卑下以就之或臣服

而致之

匈奴傳贊同

未有拒絕不與交接者也建武之世數

出重使

二年日逐請和使中郎將李茂報命二十六年遣中郎將段郴授南單于印綬

永平八

年復議通之廷爭連日先帝聖德遠覽遂復出使今宜

依故事復遣使者上可繼五鳳甘露致遠人之會下不

失建武永平羈縻之義元和二年冬武威守孟雲言北

虜已和宜還其生口安尉之詔百官議朝堂太尉鄭弘

司空第五倫言不可許袁安曰還之便司徒桓虞改議從安帝從安議章和二年南單于請兵北伐遣竇憲耿秉往擊魯恭來意諫永元三年憲欲立降者左鹿蠡王為北單于置中郎將領護來由丁鴻耿秉等十人議可許袁安奏宜令南單于反北庭劉方尹睦同安議安上封事以為漢故事供給南單于費直歲一億九十餘萬西域歲九千四百八十萬北庭彌遠其費過倍憲竟立於除鞬後叛如安策永初四年春鄧騭欲棄涼州并力

北邊會公卿集議郎中虞詡言於太尉張禹曰若大將
軍之策不可者三禹善其言更集四府皆從詡議熹平
六年鮮卑寇邊夏育請擊之召百官議朝堂議郎蔡邕
議曰守邊之術李牧善其畧保塞之論嚴尤申其要循
二子之策可矣帝不從 永和二年日南象林徼外蠻
夷區憐等攻象林明年召公卿百官及四府掾屬問方
畧皆議遣大將發荆揚充豫四萬人赴之大將軍從事
中郎李固駁曰不可有七宜選勇畧仁惠者為刺史太守

四府悉從固議

漢議西域 三策

班勇傳元初六年曹宗請復西域鄧太后召班勇詣朝堂會議先是公卿多言宜閉玉門弃西域勇議宜置護西域副校尉遣西域長史屯樓蘭尚書問勇長樂衛尉鐔顯廷尉棊母參司隸崔據太尉屬毛軫難之竟從勇議西域傳延光三年敦煌太守張璠陳三策上計以酒泉屬國吏士二千餘集昆侖塞先擊呼衍王因發鄯善

兵五千脅車師後部中計置軍司馬將士五百人據柳
中下計棄交河城收鄯善等入塞朝廷下其議陳忠上
疏宜置校尉增四郡屯兵西撫諸國乃以班勇為長史
西羌傳論二漢御戎之方失其本矣先零侵境趙充國
遷之內地當煎作寇馬文淵徙之三輔豈識微者之為
乎通典魏武分匈奴眾為五部立貴者為帥

薛謙光
曰漢桓

帝遷五部匈奴
於汾晉

晉徙戎論

江統傳統深惟四夷亂華宜杜其萌作徙戎論曰漢建
武中馬援討叛羌徙餘種於關中居馮翊河東空地族
類蕃息永初之元羣羌叛亂夷夏俱敝僅乃克之魏武
徙武都氏於秦州欲以弱寇強國此權宜之計今已受
其敝矣宜及兵威方盛徙馮翊北地新平安定界內諸
羌著先零罕开析支之地徙扶風始平京兆之氏出還
隴右著陰平武都之界并州之胡散居六郡句驪徙滎
陽孳息千計皆可申諭發遣還其本域釋華夏纖介之

憂朝廷不能用

通鑑元康九年正月漢魏以來羌胡鮮卑降者多處之塞內諸郡漸為民患

太康元年郭欽上疏曰宜及平吳之威漸徙初郡雜胡於邊地帝不聽

魏志辛毗曰今日之計莫若修范蠡之養民法管仲之寄政則充國之屯田明仲尼之懷遠

宋何承天四策

宋書元嘉二十三年春魏寇兗青冀帝以為憂咨訪羣臣時何承天為御史中丞以為凡備匈奴之策不過二科武夫盡征伐之謀儒臣講和親之約今若欲追蹤衛

霍自非大田淮泗內實青徐使民有贏儲野有積穀然後發精卒十萬一舉蕩夷則不足為也若但欲遣軍追討報其侵暴則彼必輕騎奔走不肯會戰徒興巨費不損於彼報復之役將遂無已斯策之最末者也安邊固守為計最長臣竊以為曹孫之霸才均智敵江淮之間不居各數百里何者斥候之郊非耕牧之地故堅壁清野以候其來整甲繕兵以乘其弊保全境土不出此途要而歸之其策有四

承天傳云上安邊論凡陳四事

一曰移遠就近今

青兗舊民及冀州新附在界者三萬餘家可悉徙至大
峴之南以實內地二曰多築城邑以居新附之家假其
經用春夏佃牧秋冬八保寇至之時一城千家堪戰之
士不下二千其餘羸弱猶能登陴鼓譟足抗羣虜三萬
矣三曰纂耦車牛以載糧械計千家之資不下五百耦
牛為車五百兩參合鈎連以衛其衆設使城不可固平
行趨險賊所不能干有急徵發信宿可聚四曰計丁課
仗凡戰士三千隨其便能各自有仗素所服習銘刻由

已還保輸之於庫出行請以自衛弓幹利鐵民不得者
官以漸充之數年之內軍用粗備矣近郡之師遠屯清
濟功費既重嗟怨亦深以臣料之未若即用彼衆之易
也今因民所利導而帥之兵強而敵不戒國富而民不
勞比於優游隊伍坐食糧廩者不可同年而校矣

文帝
不能

用

唐羣臣獻議

傳序唐蠻夷與中國抗衡者有四突厥吐蕃回鶻雲南

羣臣獻議盈廷或聽或置劉貺三策

下見杜佑復兩渠屯

田杜牧以不蒐練不責實厚賞輕罰不專任其敗五孫樵謂宜詔嚴道沈黎三州度要害募卒以守此備禦之策可施行者著于篇

唐議安邊

溫彥博傳突厥降詔議所以安邊者彥博請如漢置降匈奴五原塞為扞蔽與魏徵廷爭徵不勝其辨天子卒從之突厥傳頡利亡其下走薛延陀或入西域來降

者尚十餘萬詔議所宜中書令溫彥博請如漢留五原
塞秘書監魏徵言當遣還河北顏師古杜楚客李百藥
皆勸處之河北

實靜諫李大亮
言宜使居塞外

帝主彥博語度朔方地

自幽屬靈建四州為都督酋豪為將軍郎將者五百人
入長安自籍者數千戶

唐劉貺三策

傳序唐興蠻夷更盛衰嘗與中國抗衡者有四突厥吐
蕃回鶻雲南是也劉貺以為嚴尤辯而未詳班固詳而

未盡擁其至當周得上策秦得中策漢無策何則荒服之外聲教所不逮其叛不為之勞師其降不為之釋備嚴守禦險走集使其為寇不能也為臣不得也惠此中國以綏四方故曰周得上策易稱王侯設險以固其國築長城修障塞所以設險也趙簡子起長城以備胡燕秦亦築長城限中外蓋理城塹城全國滅人歸咎焉後魏築長城議者以為人治一步方千里役三十萬人不旬朔而獲久逸故曰秦得中策漢以宗女嫁匈奴而高

祖亦審魯元不能止趙王之逆謀謂能息匈奴之叛非也則知和親非久安計以天下初定紓歲月之禍耳武帝時中國又安胡寇益稀疏而絕之其時也方且糜耗華夏連兵積年故嚴以為下策然而漢至昭宣武士練習斥候精明匈奴收迹遠徙猶襲奉春之過舉傾府藏給西北歲二億七十萬春秋公及吳盟諱而不書奈何以天子之尊與匈奴約為兄弟晉魏羌狄居塞垣資奉踰昔百人之首千口之長賜金印紫綬食王侯之奉牧

馬之僮乘羊之隸齋毳毼邀利者相錯於路耨耨之利
絲枲所生散於數萬里外可不悲哉誠能移其財以賞
戍卒則民富移其爵以餌守臣則將良富利歸於我危
亡移於彼棄此而不為故曰漢無策尤謂古無上策謂
不能臣妾之也誠能之而不用耳秦無策謂攘狄而亡
國也然秦亡非攘狄也漢得下策謂伐胡而人病既病
矣又役人而奉之無策也故曰嚴尤辯而未詳也班固
謂其來慕義則接以禮讓不知禮讓以交君子非所以

接無知之人也。華人步卒利險阻，虜人騎兵利平地。堅守無與追奔競逐，來則杜險使不得進去，去則閉險使不得還衝。以長戟臨以彊弩，非求勝也。譬諸蟲豸，虺蜴何禮讓之接哉？故曰：班固詳而未盡者此也。通典劉貺武指曰：自昔議邊者，推高於嚴尤。班固云云。

唐平戎十八策

見城類 通典房司空

諫

伐高麗薛補闕

諫

諸蕃

侍子久在京師，恐其知邊塞盈虛險易，劉起居貺武指

云秦逐戎狄出塞限隔華夷是為中策三賢所陳可謂
篤論

唐防秋

通鑑開元十五年十二月戊寅制以吐蕃為邊患令隴
右道及諸軍團兵五萬六千人河西道及諸軍團兵四
萬人又召關中兵萬人集臨洮朔方兵二萬人集會州
防秋至冬初無寇而罷伺虜入寇互出兵腹背擊之大
歷九年九月甲辰命郭子儀李抱玉等分統諸道防秋

之兵

唐陸贄論備邊六失

貞元九年五月奏措置乖方課責虧度財匱於兵衆力
分於將多怨生於不均機失於遥制

唐定遠安邊策

見兵法類

唐禦戎新錄

會要元和九年四月右拾遺李渤撰 志二十卷

唐西南備邊錄

志李德裕西南備邊錄十三卷

見兵書

後周平邊策

周顯德二年三月

一云四月

世宗命近臣徐台符等二十人

著為君難為臣不易論及開邊策一篇比部郎中王朴

獻策

傳云平邊策

宋朝紹興五年右相張浚書王朴平邊

策以獻

端拱備邊禦戎策

二年正月癸巳

十一日

詔文武羣臣各陳備邊禦戎之策

直史館溫仲舒章獨先上乙未賜金紫

戶部郎中張洎直史館王禹偁

皆奏議

英宗時薛向獻西陲利害十五篇治平三年冬

又上疏陳禦邊五利曰任將帥亟攻伐省戍兵絕利源惜經費

淳化清邊前要

書目五十卷

崇文目同

淳化二年曾致堯掇集前世清邊之

要列為十三門

兵書類云十卷集前代禦戎守邊要畧凡三十門國史云三十卷致堯又為

西陲要紀十卷趙瑜安邊致勝策三卷載陝西守邊十條劉滬

備邊機要一卷論禦北戎之策

咸平備邊五要

咸平四年北戎尚梗內出手札賜知開封府錢若水曰
何方而禦備邊寇何術而翦滅蕃戎若水言備邊之要
有五一日擇郡守二曰募鄉兵三曰積芻粟四曰革將
帥五曰明賞罰五年七月丙申以若水為并代經畧使
咸平三年王濟獻備邊策十五條

景德邊防要論

二年七月庚戌汧源簿劉質上書獻邊防要論

一作邊防兵要

論

召試中書上嘉之賜同進士出身

陳貫上形勢選

將練兵論三篇

景德安邊議

張宗誨

見六科

於祥符中又增前議為三十卷上之召試

學士院

景祐邊計十事

元年七月翰林承旨盛度召對承明殿西廡問以邊計
退而條十事上之

康定邊臣要畧 平戎策 邊防策

元年都官員外郎耿泰上邊臣要畧

一作要備

二十卷敘自

古將畧凡二十篇平戎策三卷十五篇

書目耿泰平戎議三卷凡十五

篇皆平西夏之策

召對九月戊午以泰為左藏庫使知寧州二

年四月丙午召徐復對崇政殿命講易乾坤既濟卦復
獻邊防策太一主客立成歷洪範論上特留中賜號沖

晦處士

復善天文歷數學上求文武才參政宋綬薦之

丁度上十策名備邊

要覽

張方平上平戎十策

夏竦議攻守計列二策

以上杜衍請用守策

康定四夷龜鑑

元年九月四日

丙辰

學士王堯臣等上渭州推官魏庭堅

所撰四夷龜鑑三十卷殿中丞王琥獻平戎方畧

詔與蘇舟

賓獻納大典王麟少陽佳範並送史館

十二月十七日堯臣又上蔡旦所

撰通志論十三篇備言攻守之策

慶厯邊備六事

二年十月戊辰中丞賈昌朝言邊備尤切者六事一曰
馭將帥二曰復土兵三曰訓營卒四曰制戎狄五曰綏
蕃部六曰明探候 正月范仲淹上攻守策詔知延州
龐籍看詳 通判彭州姚仲孫集前世禦戎料敵之策
名曰防邊龜鑑上之

慶厯河北守禦二策 崇政殿四策

元年五月甲戌陝西經畧判官田況上兵策十四事四

年五月壬戌朔御崇政殿召樞副琦參政仲淹對琦等

言以和為權戰守為實上四策曰和曰守曰攻曰修京

城

一本云曰備

指陳數刻

皆論西夏西師之興有上邊議三卷者

中興書目慶歷三年韓琦

上其議

六月戊午樞副富弼上河北守禦十二策守策

六事

一曰使良將守十九城分領三十萬衆縱橫救應二曰

擇河朔長貳三曰詔轉運安撫舉十七州軍文武官四

曰省歛以寬疲民五曰募土人為兵六曰擇宗室試以

政禦策

七事

一曰沿邊土兵不令抽起二曰出精兵擣敵

腹心三曰結邊豪四曰結高麗五曰經制山後新路六

曰廣忻深二城七曰防河東

二年七月樞副韓琦上備禦七事

凡守禦

二策總十三條碑云仲淹主西事弼主北事弼與仲淹

各上當世之務十餘條又自上河北安邊十三策

庚辰壬午

年使契丹曰詢土豪父老博采參較得之甚詳

慶厯西北邊議

七年五月二十七日詔西北邊有大事自今令中書樞

密院各兩制以上同議之 康定元年二月丁酉詔樞

密院同宰臣議邊事三月丙辰詔大臣條陝西攻守之策庚辰詔參政同議邊事吳遵路陝西禦戎要畧邊防雜事二十篇

皇祐禦狄論

五年正月壬戌宋祁知定州上言天下根本在河北河北根本在鎮定又上禦戎論七篇祁集云皇祐四年九月守成德五年二月改定武此河北極選所至詢疆場事所以制防大畧次為禦狄論七篇其語不文以便

事也弗泥於古從權宜也直取今日利害決為可行

葉清臣傳皇祐元年春御便殿訪近臣以備邊之上策對曰云云詔問北使詣闕以西伐為名即有邀求何以荅之輔翊之能方面之才與夫帥領偏裨當今孰可以任此者軍儲缺乏戰馬乏絕云云

皇祐安南議

中興書目皇祐四年陳次公撰安南議十篇初嶺外用兵次公上十議其序云廣南安則天下無不安故曰安

南 馮炳撰皇祐平蠻記二卷

晁志云一卷

知審刑院田

瑜條上用兵禦賊十事

熙寧平蠻記 平蠻雜議

元年狄青子諂奏事延和殿上問青征南有遺書存否
詔上平蠻記及歸仁鋪戰陣二圖九年正月十三日宣
徽北院使王拱辰上平蠻雜議十篇詔送安南招討司
六月宣徽南院使張方平上交趾備守九事 元豐元
年五月趙世卿進安南邊說五篇 晁氏志南蠻錄十

卷熙寧間議討交趾或纂歷代事迹及便宜上之熙寧中王師問罪交寇李清臣集平南古今事鑒三卷上之凡五十五篇篇端有序丘濬征蠻議一卷十五篇

元豐平蠻方畧

五年安化三州蠻掠省地廣西漕臣馬默上平蠻方畧以為勝負不在兵而在將智高破因狄青之智勇希範誅乃杜杞之方畧六月壬申上謂輔臣曰默意欲用兵爾元年七月十四日詔自安南用兵獻議討賊者以

百數其言水陸進師之道往往不同未知孰得宜命檢詳官王伯虎梁燾編類衆說成書各繪圖附見以備他

日之用二年九月癸巳范育上諸路清野備敵法詔頒

行之

元豐清野備敵一卷二年韓頤為樞密都承旨時陝西諸路各奏清野法下承旨司詳定頒行

何去非著備論二十八篇十四卷論六國迄五季兵事元

祐五年十月蘇軾上之 郭諮上平燕議

淳熙邊防奏議

十二年十月二十一日胡介上其父世將川陝邊防戰

守錢糧奏議三十卷付史館

三賢安邊集

十二卷以諸葛亮將苑郭元振安邊策本朝王當邊備要畧編類為一書

三國六朝攻守要論

十卷胡寅撰 紹興七年十一月戊戌王謬上六朝進取事類詔與陞擢二年兵部尚書權邦彥獻十議以圖中興五月辛酉簽書密院 漢武震威而損費光武

惜費而損威李牧知保塞而不議其久奉春約和親
而不議其叛賈誼陳五餌而不議其貪晁錯論三技
而不議其獷班固述懷禦而不議其彊應侯計屯戍
而不議其守

夏竦平
建頌序

漢有邊鄙大疑必使羣臣

雜議季布得以中郎將而折列侯噲狄山得以博
士而詰御史大夫湯班彪以司徒掾敢與太子異
議 太祖將帥凡十四人李漢超屯關南馬仁瑤
守瀛州韓令坤鎮常山賀惟忠守易州何繼筠鎮

棣州以距契丹郭進控西山武守琪戍晉州李謙

溥守隰州李繼勲鎮昭義以禦北漢趙贊屯延州

姚內贊守慶州董遵誨屯環州王彥昇守原州馮

繼業鎮靈武以備西戎

國史論及經武聖畧

熙寧八年四月

契丹議地界神宗以問琦弼元祐元年二月夏人

納款哲宗以問大防純仁高宗建炎四年議防秋


紹興初元議弭盜五年正月己酉令前宰執各陳攻

戰備禦之策八年十一月令侍從臺諫各上講和

利害三十二年四月詔近臣陳防秋事宜孝宗隆興元年十一月命侍從臺諫集議講和 若尹洙之敘燕息
戍二篇石延年之論西邊十事張亢之極論邊政皆切
事機

無不覆載者王德之體內中國外四夷者王道之用以
諸夏而親外國致金縢之奉首顧居下其策不可施也
以外國而朝諸夏位侯王之上亂常失序其禮不可行
也以羌胡而居塞內無出入之防非我族類其心必異

萌猾夏之階其禍不可長也



玉海卷二十五

欽定四庫全書

子部

玉海卷二十六

詳校官給事中臣查善長

主事臣祁韻士覆勘

總校官進士臣朱 鈐

校對官編修臣朱 攸

謄錄監生臣夏清和

欽定四庫全書

玉海卷二十六

宋 王應麟 撰

帝學

帝學

學之一字高宗與傳說始言之開萬世聖學之源

神農師悉諸黃帝師大撓顓頊師伯夷受學於綠圖

高辛師伯招堯師子州支學君疇尹舜師許由莊子云堯

師許由

學務成招禹師大成摯學西王國湯學威子伯

學於伊尹高宗學甘盤文王師太公望學子期武王
問丹書於尚父訪洪範於箕子學號叔成王師周公
學有緝熙于光明 穆天子傳靈書于羽陵讀書于
荔丘癸巳至于羣玉之山先王之所謂策府

漢講六藝羣書 石渠論六經

紀宣帝高才好學師受詩論語孝經 王褒傳宣帝修
武帝故事講論六藝羣書召能為楚辭九江被公召見

誦讀召高才劉向張子儵華龍柳褒等待詔金馬門

公孫

弘傳贊孝宣講論六藝招選茂異而蕭望之梁丘賀夏侯勝韋元成嚴彭祖尹更始以儒術進

翟酺

傳孝宣論六經於石渠注甘露三年詔諸儒講五經於
殿中兼平公穀同異上親臨決時更宗穀梁傳故言六
經 武帝憲章六學積思六經

漢講論五經

見白虎議奏 孝宣本始四年四月詔博問經學之士
元康元年八月詔朕不明六藝鬱于大道 帝王圖籍

日陳于前

漢禁中授經 侍講

華光殿侍講 注籍

世祖召桓榮說尚書善之入授太子朝會於公卿前敷

奏經書 和帝即位竇憲上疏曰昭帝八歲即位大臣

輔政選名儒韋賢

魯詩

蔡義

韓詩

夏侯勝

歐陽尚書

等入授於前

卒成聖德近建初元年張酺魏應召訓講禁中昔五更

桓榮為帝師子郁傳父業再以校尉入授先帝

章和二年五月

詔長樂少府桓郁侍講禁中

父子給事禁省更歷四世又宗正劉方

善為詩經宜令郁方並入教授由是復入侍講郁子焉

順帝時以太傳入授經禁中焉兄孫彬桓帝初為議郎

入侍講禁中

肅宗令馬嚴勸學省中

注王鳳薦班伯宜勸學

王吉

云明師居前勸誦在後

鄧弘治歐陽尚書授安帝禁中

光武

令鄧暉授皇太子韓詩侍講殿中

永平初樓望為侍

中入講省內召馴

字伯春

習韓詩建初元年侍講

拜左中郎將入

授諸王

永平九年置五經師張酺以尚書數講御前論

難稱意入授太子

酺子蕃以郎侍講

桓帝以楊秉明尚書召

入勸講 建和初議郎趙典侍講禁內

黃瓊以選入侍講禁中

靈帝初劉寬拜太中大夫侍講華光殿賜衣一襲後為

太尉常令講經

洛陽宮殿簿云在華林園內洛陽宮殿名曰華光在崇光殿北

楊

賜建寧初侍講華光殿中後帝徙南宮閱錄故事得前

侍講注籍

所注之缺籍

乃感悟封臨晉侯

張濟侍講

獻

帝好學荀悅或董遇孔融侍講禁中旦夕譚論

漢講論經理

永平自講經藝

御講堂說經

光武數引公卿郎將講論經理夜分乃寐幸太學會博

士論難正旦朝賀百僚畢會令羣臣能說經者更相難

詰

戴憑重生五十餘席

樊準曰光武投戈講藝息馬論道孝明

垂情古典遊意經藝每享射禮畢正坐自講諸儒並聽

四方欣欣召名儒充禮官如趙孝承宮等或安車結駟

或豐衣博帶從見宗廟燕會則論難衍衍響如振玉期

門羽林之士通孝經伊秩訾王大車且渠入就學

化自聖躬

流入蠻荒

議者稱盛時咸言永平

桓榮傳幸太常府令榮

東面設几杖會百官及榮門生數百人天子親自執業

曰太師在是永平二年三雍初成拜五更每大射養老

禮畢引榮及弟子升堂執經為下說

下語講說

帝自制五

家要說章句令桓郁校定於宣明殿

東觀記上親於辟雍自講所制五行

章句復令郁說一篇

永平十五年三月幸孔子宅親御講堂會

皇太子諸王說經 永平十年張興拜太子太傅顯宗

數訪問經術 光武受尚書於廬江許子威通大義召

鍾興問經義善之詔令定春秋章句 明帝十歲能通

春秋事桓榮通尚書包咸授論語 順帝時議郎蔡元

講論五經異同 建武六年拜杜林侍御史引見問以
經書賜車馬衣被

漢讀書禁中

班固傳肅宗雅好文章固數入讀書禁中或連日繼夜
前叙傳班存以選受詔進讀羣書 成帝召見劉歆
誦讀詩賦 司馬相如傳上讀子虛賦而善之 建武
三十二年正月夜讀河圖會昌符 梁大同中於臺西
立士林館朱异賀琛孔子祛等遞互講述

唐太宗觀經史

貞觀政要七年虞世南遷秘書監太宗每機務之隙引之談論共觀經史嘗謂侍臣曰每與世南商榷古今九年太宗曰貞觀已來手不釋卷知風化之本見理政之源十一年李百藥曰日昃必命才學之士賜以清閒高談典籍雜以文詠乙夜忘疲十二年謂侍臣曰朕讀書見前王善事力行不怠陸贄曰太宗引文學之流更直宿於內署講求典禮諷誦詩書夜分忘倦

唐禁中勸講 侍讀

開元三年九月戊寅

會要七月

詔左散騎常侍馬懷素與右

常侍褚無量更日侍讀

盧懷慎所薦帝以讀書有疑無從質問選儒學之士入內侍

讀

官志玄宗選耆儒日一人侍讀以質史籍疑義置

集賢院侍講學士侍讀直學士 儒學傳無量等勸講

禁中天子尊禮不敢盡臣之後祕書少監康子元國子

博士侯行果亦踐其選賞賚亟加而禮遇衰 集賢注

記開元十九年三月命學士陳希烈王迴質康子元馮

朝隱等於三殿侍講先是講周易畢子元等各蒙錫賚
字更洪範圍列無逸孝經是釋月令是刊長慶中
侍講學士韋處厚等上六經法言三十卷賜金帛文
宗時侍講學士鄭澣粹經史要錄酬析無留賜金紫

唐翰林侍講學士

韋處厚元和末為戶部郎中知制誥穆宗即位以處厚
與司勳員外郎史館修撰路隋並充翰林侍講學士召
入大液亭命分講毛詩關雎尚書洪範等篇訪以理體

賜酒果 寶厯初崔郾以諫議大夫充翰林侍講學士

二年禮部員外宋申錫太和元年三月中書舍人鄭澣

駕部郎中許康佐三年四月禮部尚書丁公著五年鄭

覃開成七年十月國子祭酒高重充侍講學士 冊府

元龜云元和之末始建學士之職列於內署 後魏有

侍讀

馮元興溫子昇
邢昺李業興

侍講

賈思伯思
同韓子熙

王吉曰廣厦之

下細旃之上明師居前勸誦在後上論唐虞之際下及

殷周之盛考仁聖之風習治國之道訢訢焉發憤忘食

日新厥德 吳趙咨曰雖有餘閒博覽書傳歷史籍採
奇異不效書生尋章擿句而已

咸平侍講侍讀 天聖 真宗講席記 三朝

講經

太宗日閱經史興國八年始用著佐呂文仲為侍讀升

為翰林侍讀宮直御咸平二年七月丙午以兵侍楊徽
書院每名讀經史

之戶侍夏侯嶠工部郎中呂文仲為翰林侍讀學士祭
酒邢曷為翰林侍講學士 按故事唐開元置侍讀其

後有翰林侍講學士五代久廢太宗崇尚儒術由是命
文仲侍讀寓直禁中以備顧問然名秩未崇上適尊先
志首置此職擇耆儒舊學充其選班次翰林學士祿賜
如之設直廬於秘閣侍讀更直侍講長上日給珍膳夜
則迭宿多召對詢訪或至中夕八月壬子徽之等赴職
賜宴秘閣兩制皆預上作七言詩賜之 慶厯二年二
月丁丑召中丞賈昌朝侍講邇英閣憲府侍經筵自此
始 元豐五年省侍讀侍講學士但以為兼官必侍從

以上兼之秩卑資淺則為說書元祐七年七月癸巳復增學士之號元符元年二月壬辰省紹興六年范冲為之天禧舊制侍臣皆賜坐講者別坐而聽乾興後侍臣先賜茶畢徹席立講畢復坐賜湯侍讀無所職但侍立而已自宋綬夏竦侍讀始今日讀唐書一傳又讀正說講日帝親書古賢詩或經書要言一二紙真宗自居藩邸升儲官命侍講邢昺說尚書凡八席詩禮論語孝經皆數四焉以史傳有褒貶難於講授退而觀閱罔

不該詳既即位咸平四年春詔曷講春秋左氏傳五年
秋乃畢天禧元年春二月詔直龍圖閣馮元講易至秋
九月終六十四卦以元奉使北廷而止天聖元年四月
辛亥侍臣以崇政殿閣所講遺編來上命晏殊作真宗
講席記 景祐元年五月九日侍讀學士李淑言三朝講
經皆有舊式 太祖非時召王昭素趙孚說經書要義
開寶四年十二月十三日辛未召九
經李符問經義於內殿賜本科出身 太宗則呂文仲為
侍讀讀書史訪外事真宗首置侍讀侍講學士常令邢

曷說經夜直秘閣又置龍圖閣待制令參預講筵如戚
綸陳彭年杜鎬查道李虛已是也天禧初又令馮元說易
皆於每日視朝決事再坐之後還內宴憇方召說書賜
坐詢問不專講勸而已 邢曷在東宮及內庭侍上講
說孝經禮記者二論語十書十三易三詩左傳各一據
傳疏敷引之外多引時事為喻深被嘉獎上問管仲召
忽武王以安樂延年曷不能對祥符三年五月辛巳手
札曰朕向在藩邸屢令邢曷講習諸書因記春秋息侯

伐鄭云云

景祐崇政殿說書 邇英延義閣記注 金華

五箴

元年正月丁亥

二十
六日

命賈昌朝趙希言王宗道楊安國

並為崇政殿說書日以二人侍講說

初天聖九年侍講
孫奭出守兗州薦

昌朝等始置是職命之景祐四年三月甲戌朔進為
天章閣侍講慶歷二年二月丙戌趙師民復為之二

年正月癸丑

二十
八日

置邇英延義二閣寫無逸篇于屏邇

英在迎陽門之北東向延義在崇政殿之西北向是日

御延義閣召輔臣觀盛度讀唐書賈昌朝講春秋遂宴

崇政殿

初孫與為翰林侍講畫無逸圖上之帝施於講讀間

三年正月乙巳說書

賈昌朝上二閣記注七月乙酉侍講學士馮元獻金華

五箴詔獎之

趙師民獻勸講箴曰西臨邇英北啟延義瞻仰皇明彌綸聖智

明年春

帝遂御迎陽門召近臣觀圖畫復命講讀經史 仁宗

以堯舜為師法待儒臣以賓友 仁宗以象架度書策

外向以便講讀 馮元兼侍講與孫與以經行並進講

讀親近自是仁宗益嚮學 英宗嘉祐八年十二月己

已初御邇英閣召侍臣講讀經史

元祐帝學 嘉定續帝學

五年八月侍講范祖禹進八卷集帝王學問及祖宗講
讀故事上起伏義下汙神宗願憲道於三皇稽德於五
帝軌儀於三代法象於祖宗集羣聖之所行體乾健之
不息

元年進唐鑑二年進三經要語
建炎四年七月已巳詔子冲上之

嘉定十一年記

注之臣

李臺

紀五宗之懿續祖禹之書為十卷有詔通鑑

徹章進讀十二年

已卯歲

五月丁未竟帙癸亥賜燕講官

請宣付史館從之

淳祐九年進讀終篇 寧皇自慶元戊午止嘉定丙子凡十徽章

建炎內殿講讀

元年十二月丙辰朔詔朕朝夕延見大臣咨訪庶務羣臣進對隨事盡言退閱四方奏牘少空則披覽載籍鑑觀前古獨於講學久未遑暇念雖羽檄交馳巡幸未定亦不可廢其以待從四員充講讀官萬機之暇就內殿講讀先是中丞王賓乞開講筵上納其言紹興十二年正月癸卯上謂大臣曰朕於宮中無嗜好惟好觀書考

古人行事以施於政凡學必自得乃可用十三年十一月丁卯上曰無事惟靜坐觀書所得甚多

紹熙晚講

五年寧宗欲增講官至十員各專講兩日一次五人上講早二晚三早講殿上晚小衫坐講嘉定二年十一月十六日侍讀章穎等言前此未有晚講坐講自陛下始行之書之國史為法來世每御殿惟誨經訪史辭簡理到

經筵進故事

元祐二年侍讀蘇頌請詔史官學士錄新舊唐書日進數事十一月壬申詔經筵官遇非講讀日進漢唐故事二條建炎四年八月四日謝克家請日輪侍從進前代本朝故事涉治體者三事十八日熈宗禮奏止命講讀翰林學士兩省官進之九月三日令講筵置厯端平元年二月九日詔侍從經筵官進故事天聖以前講讀官皆坐侍自景祐以來皆立侍皇祐三年九月

丁丑詔當講讀臣僚立侍數對餘皆賜坐侍於閣
中 熙寧四年八月二十七日王雱為說書崇寧
中以隱逸命蔡卞呂注紹興中陳鵬飛以博士乾道末
崔端詩以正字兼說書宣和中楊時過英殿說書 經

筵前一日進講義自元豐元年說書陸佃始 元祐中

侍讀蘇軾拜恩之日首陳六事

慈儉勤
謹誠明

紹興二年胡

安國侍讀專講春秋時講官四人援例乞各專一經上
曰他人通經豈安國比不許 隆興元年十一月詔學士

院經筵官日以二員宿直乾道八年十月詔止輪一員
淳熙三年九月禮侍李燾兼侍講以經筵少開錄趙
師民勸講箴以諷 皇祐賈昌朝淳熙史浩以舊弼

而詔讀昌朝呂公著以臺丞而勸講呂希哲司馬

康楊時自小官而說書范祖禹司馬康張栻朱熹

由庶僚而侍講程頤

元祐

元年

尹焞

紹興

五年

以布衣而特

命

易

漢梁丘賀說易 唐開元講易

宣帝聞京房為易明求其門人得賀待詔黃門數入說

教侍中以名賀賀入說上善之

說於天子之前

子臨亦入說帝

選高材郎十人從臨講

自宣帝好梁丘氏說元帝好

之欲考其同異令充宗與諸易家論朱雲抗首而請連
柱五鹿君 孝宣時涿郡韓生以易召待詔殿中 譙

瑛說易授顯宗

唐開元初詔張說舉能治易老莊者

侯行果薦康子元敬會真並賜衣幣侍讀

行果會真及馮朝隱同進

講朝隱能索
老莊秘義

集賢注記云開元十一年夏詔學士侯

行果等侍講周易莊老賜衣一副絹一百疋又令行果
隔日為皇太子講易賜酒饌燕飲賦詩凡數百首屢承
珍異之賜 玄宗作大衍論 顯慶五年六月御齊聖
殿引弘文學士上官儀呂才直學士李元植等於御前
講論命元植登講坐發易題才等以次問難 梁武帝
於文德殿釋乾坤文言

建隆開寶講易 端平祥符講泰卦 天禧講

易

建隆三年六月召宗丞趙孚講易于後殿嘉其講說精博開寶三年召王昭素賜坐便殿講乾卦至九五飛龍在天曰此又正當陛下今日之事因風諫上悅三月辛

亥以為國子博士 端拱李覺講泰卦

見視學

祥符作

周易詩三章王旦薦崇文院檢討馮元八年三月癸卯召見講論語首篇及易泰卦元進說曰上下相與則可

輔相財成上悅賜緋

元說上下經上稱其誦說通而不泥言外有餘趣馮元傳真宗試

進士殿中召元講易元進說
曰地天為泰以天地之氣交

天禧元年二月元為直

龍圖閣講易于宣和門之北閣待制預焉九月終六十

四卦

查道李虛
已行簡預

皇祐邇英閣講易

元年十二月辛酉詔盧士宗講易乙丑御延和殿命士
宗講泰卦賜紫二年三月己丑御閣講三古九聖乾元
統天帝王合德之義甲辰講坤而及權臣壬子講需及
建極御天下甲寅講師十一月丁酉講无妄而及堯舜

順民心三年三月戊辰講損之懲忿窒慾上謂情慾生
於陰陽而節之在人四月庚子講鼎而謂任人之當謹
丁未御邇英謂講官曰朕每以易疑難問卿卿等多所
發明丁巳講歸妹陰陽爻位戊申講巽之申命五月辛
亥至癸丑講兌謙渙泰節師九月辛酉講既濟東鄰殺
牛庚午講極數知來之謂占時講官則楊安國王洙趙師民四年九月
己未日十三御閣召賈昌朝講乾卦用九曰外以剛健決
事內以謙恭應物詔褒荅以卦義付史館上曰昌朝位將相而執經

朝廷美事也 六
月壬寅上節解

紹興淳熙講易

紹興二十五年四月二十三日講易終篇

五年書否泰卦賜張浚

十四年三月幸學講泰卦

淳熙八年

辛丑歲

九月甲申詔侍講說書

共講易講泰九二上曰君子以其類進而為善小人以其類進而為惡未有無助者也萃上六上曰盛極則衰亂極生治十一年九月九日詔日講兩卦十月十日徹章侍讀張大經等奏聖言深得大易之旨見之事業措

之天下皆易之用也請宣付史館十三日推恩十一月
一日大經等以賜宴及簡帶鞍馬香茗進詩謝恩嘉
泰元年冬講易汜嘉定五年日講二卦隆興元年四
月己丑王大寶講乾卦上曰萬物皆生於乾又曰陰陽
變化之道也九月癸丑馬騏講乾夕惕若厲上曰當讀
為若厲至見龍无首上曰既居其極則當然邢昺太
平興國初舉五經廷試日召升殿講易師比二卦

書

漢武帝問尚書

兒寬初見語經學上曰吾始以尚書為樸學不好及聞寬說可觀乃從寬問一篇 孔安國承詔作傳

漢金華殿說尚書論語 白虎觀雲臺講左氏傳尚書

成帝時班伯為中常侍上方嚮學召鄭寬中張禹朝夕說尚書論語於金華殿中

在未央宮

詔班伯受焉數年金華

之業絕出 班祚以選受詔進讀羣書

注於天子前讀書

肅

宗降意儒術好古文尚書左氏傳建初元年詔賈逵入
講北宮白虎觀南宮雲臺帝善逵說使發出左氏大義
長於二傳者於是條奏左氏三十事帝嘉之賜布五百
疋衣一襲和帝永元四年幸北宮章德殿講白虎觀肅宗又論五經於白虎
觀又令賈逵撰歐陽夏侯古文同異

漢永平說尚書 庭中講尚書

光武受尚書通大義召桓榮入說

建武中桓榮入會庭中詔賜奇果明

帝事榮通尚書永平十年召丁鴻說文侯之命篇賜御

衣及綬稟食公車與博士同禮 張酺數講御前為郎

賜車馬衣裳入授太子肅宗即位為東郡太守帝言酺

侍講屢有諫正閭閻惻惻有史魚之風元和二年二月

丙辰東巡狩幸東郡引酺及門生并郡縣掾史並會庭

中帝先備弟子之儀使酺講尚書一篇然後修君臣之

禮賞賜殊特莫不霑洽

時尚書令王綽與酺相難帝欣悅

唐貞觀觀尚書 開元講尚書

貞觀十五年八月謂侍臣曰昨觀尚書帝王之道坦然

可見朕每庶幾唐虞亦欲卿等齊肩稷契 開元二十
年十月講尚書及莊子馮朝隱等侍講各賜衣兩襲
玄宗改陂頗之字觀無逸之圖

唐太液亭講詩書

長慶元年三月壬子穆宗召學士韋處厚路隋於太液
亭講毛詩關雎尚書洪範等篇賜緋魚 太液亭乃唐
家右文之地文宗圖尚書君臣事迹於亭宣宗餞崔鉉
於是亭賜詩 開成二年三月鄭覃曰陛下乙夜觀書

無不該涉

淳化講堯典說命

見視學 太祖常讀尚書謂四凶之罪止從投
竄而歎近世法網之密史臣以為有意于措
刑

咸平後苑講大禹謨

元年正月丁丑詔國子監直講崔頤正於後苑講大禹
謨賜五品服

自後日赴御書院
侍對說書至十卷

二月己亥召頤正講尚

書于景福殿二年七月辛學召祭酒邢昺直講崔偓佺講大禹謨賜偓佺緋曷器幣景德四年崇和殿壁掛尚書圖祥符七年作尚書詩三章邢昺侍講編講九經有三五過十餘過者惟尚書凡十四講

天聖崇政殿講尚書 皇祐邇英閣講尚書

元祐紹興
興乾道

天聖四年十一月孫奭等薦楊安國并召其父光輔入見令說無逸乙卯以為國子監丞六年二月壬寅召輔

臣崇政殿西廡觀侍講孫與講尚書七年十月丁酉講畢召近臣宗室燕太清樓皇祐四年三月丙辰揚安國講嘉言罔攸伏六府三事九月庚申講微子己巳講洪範五事帝曰奉天在修德十一月甲辰講無逸命王洙書為圖五年四月丁酉講罔命元祐四年二月二十一日邇英殿講尚書侍講司馬康講洪範又用三德五年二月壬寅七日講無逸篇畢詔詳錄講義以進九月壬午二十一日邇英講書賜御書詩一首十月二十九日終篇賜御筵

于東宮

無逸圖 洪範旅獒屏

紹興七年九月一日內出無逸

篇四軸付講筵所

講日設之

八年八月丙寅詔說書尹焞講

尚書

三月閑講

二十三年十一月七日終篇召宰執聽講越

二日賜宴講讀官進詩三十二年孝宗即位七月甲子

詔講尚書九月甲辰初御講筵張聞講尚書

十月二十六日詔周

禮尚書分篇進講

乾道三年三月癸亥陳巖肖講大禹謨至寧

失不經上曰祖宗好生不殺最為忠厚

先是二年三月二十一日東宮

講孟子微章上曰可講尚書治國之道莫先於此朕每無事必看數篇御書益搜旅獒賜進士

明

道元年二月甲辰詔輔臣于崇政殿西廡觀講書

晁迥傳仁宗召對延和殿間訪洪範雨暘之應迥據經以對

詩

漢武帝說詩

武帝詔求能為韓詩者召蔡義待詔上疏願賜清閒之燕得盡精思於前上召見義說詩甚說之擢光祿大夫

給事中進授昭帝

大將軍光曰以為人主師當為宰相

宣帝受詩於東

海濱中翁 肅宗建初元年召馴以韓詩侍講拜左中
郎將 韋賢進授昭帝詩張游卿以詩授元帝韋賢授
哀帝伏理授成帝 陸賈時時前說詩書

晉講詩

庾峻傳武帝講詩中庶子何劭論風雅正變之義峻起
難往反四坐莫能屈之

唐太液亭講詩

見上

玄宗講讀毛詩賜侍講章綬

見張九齡集

慶厯邇英閣講詩

四年二月丙辰御迎陽門命天章閣侍講曾公亮講詩
三月丁亥上曰國風多刺譏殊得以爲監戒五年二月
戊戌講于邇英閣起鷄鳴盡南山上謂公亮曰善惡皆
欲聞宜常有避三月戊午講匪風誰能烹魚上曰老子
謂治民若烹小鮮義近是乎丁度曰烹魚煩則碎治民
煩則散甲申講節南山問幽王所終三月己卯講六月
令再講之曰鹿鳴至菁莪皆周家創業之事四月辛卯

講小旻問趙師民以水喻政之旨

趙師民傳講如彼衆流曰水之初出喻王

政之發順行則通通故清潔賢人用則王政通而世清平

丁未講卷伯有謹嫌疑之

言壬辰講小弁至巧言十一月甲午講角弓曰睦族帝

堯之盛德乙未講都人士曰冠服必稱其行六年十二

月十七日癸巳講徹宴近臣宗室及講讀官于崇政殿

賜花作樂從官皆獻詩頌熙寧十年八月丙午講詩

豐年祥符作毛詩詩三章紹興書車攻張栻講

葛覃進說云治生於敬畏孫逢吉講權輿反覆綯

繹以為諷 紹興五年八月講詩終於嘉定元年三月

寧宗 袁燮講詩二南於先王正始之本后妃輔佐之道

所以自身而家自家而天下者敷演厥旨深寓規儆之

意至列國變風有關君德治道者委曲開陳託其義以

諷 嘉定九年

禮

唐太宗讀周禮

貞觀中太宗召房杜魏入上曰朕昨夜讀周禮真聖作

也

文中子附錄

漢文帝作王制

唐玄宗刊定月令 梁

皇侃撰禮記講疏五十卷奏上召入壽光殿說禮記義武帝善之

至和邇英閣講周禮

元豐隆興

皇祐四年十月戊寅詔侍講與賈昌朝先修節解以備講說至和元年九月己巳揚安國講緩刑薄征上曰天下皆吾赤子壬申講三年大比上曰三年選士至為酌中二年三月乙丑盧士宗講眡祿上曰妖祥由人事召

之必修德承天意己卯王洙講至大壘謂祀以質信為
本丙戌講典瑞十月壬子講至割羊牲登其首上曰天
地簡易非至忱其能應乎

至和元年九月丙寅
王洙上周禮器圖

元豐元

年三月辛巳御邇英沈季長講八法丁亥黃履講八柄
辛卯季長講九賦癸巳講九式四月丙寅講小宰八月
戊辰講宰夫 紹興三十二年七月甲子孝宗詔講周
禮九月甲辰金安節講

名輔臣觀之十二月
十六日詔分篇講

隆興元年

四月癸未安節講大司馬九伐之法上曰兵者德之末

九月乙卯講正月始和上曰此周正月也 祥符作周

禮詩三章

景德講中庸九經

見御詩

天聖講禮記 讀中庸

三年三月己酉召輔臣于崇政殿西廡觀孫奭講曲禮
仍賜御書古詩各一章 五年十月庚辰講禮記徹燕

近臣崇政殿詔兩制館閣賦詩以進

四月命宰相張知白進讀中庸陳修

身治人之道 辛卯書賜進士

熙寧邇英閣講禮記 乾道

熙寧元年二月十一日御閣召王珪范鎮等講禮記十月戊申詔經筵母講禮記 元祐八年正月丁亥邇英講畢 乾道三年九月乙亥中書舍人梁克家講年長以倍父事之因奏孝悌之道庚寅_{二十}日詔擇諸篇最要切者如王制學記中庸大學之類先次進講 先是克家言禮記出 漢儒雜記非全經也欲如淳熙四年二月乙亥幸太學元祐范祖禹所請從之

講中庸九經

紹興書
儒行

元祐中范祖禹講王制祭祀

以犧牲幣帛粢盛皆出於民力 范成大講天子不合

圍上曰此成湯祝網意也成大奏德莫大於好生 紹

熙五年侍講朱熹講大學閏月戊午朔講至盤銘日新

又進講義冊上欣然曰要處只在求放心

淳祐講禮記賜製詩

見後

春秋

漢殿中議公穀同異

白虎觀雲臺講左傳

見上

宣帝召見蔡千秋說穀梁擢為諫大夫選郎十人從受
又召江公孫為博士劉向受穀梁又召周慶丁姓待詔
保宮授十人自元康中始講至甘露元年積十餘歲皆
明習廼召五經名儒太子太傅蕭望之等大議殿中平
公穀同異以經處是非公羊博士嚴彭祖待詔申輓伊
推宋顯穀梁議郎尹更始待詔劉向周慶丁姓並論公
羊家請內許廣使者並內王亥各五人議三十餘事望

之等十一人各以經誼對多從穀梁 朱買臣召見說

春秋言楚詞帝甚說之拜中大夫 光武令鍾興定春

秋章句 明帝十歲通春秋

唐論春秋

唐高祖幸學徐文遠發春秋題論難鋒生 太宗令羣

臣以春秋酬難 張俊允傳 文宗讀春秋問許康佐又觀書

蓬萊殿

咸平講左氏春秋 寶元邇英講左氏 紹興

講春秋

咸平三年御便殿命侍講學士邢昺講左氏侍讀與焉
時初置講讀五年正月丙辰講畢宴近臣宗室崇政殿賜昺

襲衣金帶器幣丁巳遷工部侍郎景祐二年正月癸丑
御延義閣賈昌朝講春秋遂宴崇政殿四年十月甲午
講春秋詔取君臣政教事節講寶元二年十月丙寅御
通英觀講左傳及讀正說終上曰春秋述治亂足為監
戒辛巳講左氏徹曲宴近臣于崇政殿慶厯四年三月

乙酉問輔臣三傳異同之說賈昌朝曰左氏多記事公穀專解經皆以尊王室正賞罰然考之有得失皇祐五年十月甲寅上春秋節解八十卷至和二年十月壬子講左傳鄭鑄刑書

王洙講

上曰使民知法而亂可止不若

不知而自化

真宗作春秋要言春秋詩三章

紹興二

年七月癸酉上諭輔臣令胡安國兼讀春秋隨事解釋不必作義朕將咨詢十二月五日上曰孔子作經經之祖左氏作傳史之祖也三年二月初侍讀徐俯進春秋

解義上以宰渠伯糾書名為貶宰臣勝非又奉親筆請
以震翰編之記注癸巳從之五年三月丁丑詔侍講朱
震范冲專講左氏傳上雅好左氏八年八月丙寅詔張九成
講春秋呂本中講左氏傳十九年三月二日普安王讀
公穀終篇上曰須能識聖人之心方有自得處 隆

興元年二月二十八日詔侍講錢周材說書王十朋分
篇進講春秋 寧宗紹熙五年八月講春秋嘉定七年
十月徹章

論語孝經

漢始元通保傳傳論語孝經 金華殿說論語

昭帝始元五年六月詔曰夙興夜寐修古帝王之事通
保傳傳孝經論語尚書未云有明令舉賢良文學高第
宣帝師受論語孝經詔夏侯勝撰尚書論語說賜金
建武中包咸授太子論語永平五年遷大鴻臚經傳

有疑輒就問賜珍玩束帛

包福授
和帝

晉講孝經

穆帝永和十二年二月帝講孝經升平元年三月帝講

孝經壬申親釋奠于中堂 孝武寧康三年九月九日

帝講孝經僕射謝安侍坐尚書陸納侍講侍中卞耽執

讀黃門侍郎謝石吏部郎袁宏執經車武子與丹陽尹王

混擿句時論榮之

隋志袁敬仲集議孝經一卷
唐志車武子講孝經義四卷

唐太學講孝經 問論語 百福殿講孝經

太宗貞觀十四年二月丁丑幸太學觀釋奠命孔穎達

講孝經

貞觀三年十二月乙酉上問孔穎達以論語有
若無實若虛穎達具釋其義且曰易稱以蒙養

正明夷
佐衆

永徽初趙洪智為陳王師講孝經百福殿於
是宰相弘文館學大學士皆在洪智舉五孝諸儒更詰
辨隨問酬悉高宗喜曰試為陳經之要對曰天子
有爭臣七人帝喜賜絹二百名馬一鄴侯家傳
德宗曰朕幼好論語覺其篇名淺近注釋又疎即
為卿製一殿名為講論殿殿成與卿日夕討論共
注成之

天聖慶厯皇祐講論語

元祐
紹興

乾興元年十一月辛巳仁宗初御崇政殿西閣命侍講

孫奭馮元講論語侍讀李維晏殊與焉

召以雙日講讀後或以隻日

十二月甲辰崇政殿西廡召輔臣孫奭講論語上親書

唐賢詩分賜

自是召輔臣至經帷多賜御書

天聖元年九月戊寅召輔

臣觀馮元講論語賜御飛白書二年八月己卯幸國子

監命直講馬龜符說論語一篇慶厯七年三月己亥邇

英講論語序至安昌侯張禹帝曰師臣不忠讀書何為

皇祐元年四月戊子講直哉史魚帝曰蘧伯玉不若史

魚之直癸巳講季氏篇帝曰所先無如信

趙師民傳講論語問修文

德帝曰所先者無若信

復問改火又問子夏子張所言交道孰勝

英宗嘉祐八年十二月己巳始御邇英講論語治平

元年四月甲申御邇英呂公著講論語因進戒元豐八

年十二月乙亥

十五日

哲宗初御邇英閣講論語

安資善堂資銀幣講

讀官日赴資善堂以雙日講讀

元祐二年九月十五日終篇賜宴東宮

賜詩 建炎二年三月甲午初御經筵侍講王賓講孝

悌為仁之本紹興七年閏十月十二日說書尹焞入見

講衛靈公末章稱旨遂給筆札解論語以進八年四月
二十日上之五月四日賜緋魚復命解孟子 祥符八
年三月癸卯崇文檢討馮元講論語首篇賜緋又作孝
經詩三章

天聖崇政殿講孝經

二年二月乙丑召輔臣觀講孝經于崇政殿西廡六月
己未講徹賜馬宗元三品服慶厯七年三月丙申講於
通英己亥賜曾公亮三品服 皇祐四年書四章爲圖

孟子

元祐紹興講孟子

元祐四年司馬康言孟子書最醇正陳王道明白詔進
講講官為節解十四卷范祖禹講今樂猶古樂及公劉
太王章紹興八年八月丙寅命侍講吳表臣講孟子十
六年三月十九日辛卯終篇 紹熙五年八月十七日
詔續潛邸所講之章嘉泰元年十一月三日講徹

史祖訓

唐元和讀列聖實錄 讀政要

會要元和三年十一月上銳於為理既相裴均喜於得人聽政之暇徧讀列聖實錄見貞觀開元故事竦慕不能釋卷 文宗讀貞觀政要 宣宗讀元和實錄 玄宗質史籍疑義

天聖景祐讀史

天聖四年閏五月甲子召輔臣于崇政殿西廡觀宋綬等讀唐書景祐二年正月癸丑御延義閣召輔臣觀盛

度讀唐書

賈昌朝
講春秋

四年九月丁卯御過英讀唐書詔列

傳取事切規戒者讀之慶厯四年二月丙辰御迎陽門

召輔臣觀圖畫皆帝王美惡之迹侍講曾公亮講詩王

洙讀祖宗聖政錄侍讀丁度讀前漢書帝曰漢稱文景

景不及文數刻乃罷

自元昊及罷講趙師民上疏
獻勸講殿復命講讀經史

五年

二月丙申讀元帝紀語及元成二帝政理三月己卯講

陳平躡足事而歎漢祖之從諫七年四月己巳讀賈誼

傳三公三少因謂崔遵度為良師辛未讀貞觀政要八

年八月甲午讀政要皇祐二年四月己卯讀東方朔傳
乙丑讀後漢安帝紀謂推咎台衡莫若罪已荅天書二
年十月癸未丁度等修前史精要至和二年十月丁未
孫抃讀史記龜策傳十一月丙寅李淑讀太史公傳嘉
祐八年十一月己巳英宗劉敞讀史記陳舜孝友熙寧十
年十月庚辰侍讀潤甫裏讀史記元祐八年八月二十
一日侍讀蘇軾等請以鈔節漢唐正史間日進讀
紹聖元年七月進讀新唐書 祥符作讀十九代

史詩

景祐邇英讀正說

淳熙

四年十月甲戌宋綬讀謹罰篇述光武罷梁統從重之
奏上曰深文峻法非善政丙戌讀化民篇上曰尸子言
君如扞民如水何也丁度曰水隨器方員若民從君好
惡是以人君謹所好至養民篇見歷代戶口登耗之數
問天下民籍幾何梅詢對曰先帝述前代帝王恭儉則
增羨因詔編修院三司檢討以聞寶元二年三月壬寅

上歷代戶數十月丙寅讀終篇上曰先帝訓言敢不遵
奉辛巳宴近臣于崇政殿 淳熙七年五月乙卯三朝
寶訓徹章翌日詔真宗正說藏秘閣宜以進讀九月侍
讀臣浩讀正心篇論黃帝無為天下治上曰無為豈燕
安無所事事之謂乎讀剛斷篇論郭解事上曰武帝洞
照事情讀大中篇論為政之道本乎大中上曰勿渾渾
而濁勿察察而明八年四月二十九日壬申詔丞相趙
雄等赴經筵聽獨正說終篇浩等言陛下尊尊典訓愈

久愈明歲時甫決篇帙再周請付史館五月四日賜宴翌日進詩 仁宗詔經筵日讀一篇 晏殊有徹篇賜

宴詩

寶元讀三朝寶訓

元祐 紹興 淳熙

寶元二年十月丙寅詔侍讀李淑讀三朝寶訓丁度李仲容讀所編經史規鑒事迹十二月二十日詔淑於資

善堂刪整備來春進讀

十一月癸巳太清樓讀寶訓賜詩

慶厯四年二

月丙辰王洙讀祖宗聖政錄五年十一月癸未讀三朝

經武聖畧

康定元年王洙為天章閣待講專讀寶訓要言於通英閣

元祐元年正

月甲戌御邇英韓維進讀三朝寶訓至真宗戒尚食殺

羔事因言陛下仁愛發於天性見昆虫螻蟻違而過之

此仁術也願推此心及百姓四年二月壬戌邇英讀寶

訓癸丑終篇五年九月壬午邇英讀寶訓賜御書詩一

首上親書姓名于後八年正月丁亥顧臨讀至仁宗家

法呂大防言祖宗家法甚善行之足以為天下

蘇軾讀寶訓因

及時事

紹興五年閏二月二十三日丙寅殿中侍御史

張絢言陛下復開經筵宜倣仁宗時讀三朝寶訓命侍
讀之臣如李淑所請先取論政體聽斷益以謹災祥省
費用進讀則內修之道盡矣次取議武備制軍旅論邊
防撫夷狄進讀則外攘之策舉矣帝命講筵錄進讀之
更不立義三月丁丑詔鄭滋胡交修進讀八年八月丙
寅詔侍讀曾開進讀二十七年十月戊申十六日終篇

孝宗紹興三十二年七月甲子詔讀三朝寶訓九月甲
辰洪遵進讀至呂蒙正論君子小人事上以君子小人

係時運盛衰為不然十月丙寅讀至真宗論政理上曰天下本無事庚午讀太宗乘快指揮事上曰為人上奈何不敬又讀太宗事上曰祖宗精於治道如此壬午讀孫冕上言事上謂得大體隆興元年九月乙巳張闡讀至太宗欲拜昌言上歎賞癸丑讀寶訓上曰威福不可輕乙卯讀至真宗優容訐直上曰祖宗盛德之言乾道三年三月癸亥周執羔讀寶訓九月丁丑讀至太宗命官重修太祖實錄上曰善惡無遺史臣之職淳熙四年

四月壬申周必大讀田錫疏上曰有諫臣風越二日又
讀太宗考才器之語上曰剛毅近仁九月乙丑史浩讀
太祖用王祐段思恭事奏太祖得王道正傳先用儒生
上曰須用真儒七年五月四日謂浩必大曰祖宗謨訓
日盡一卷未為多雙日休假當特坐自是講讀率漏下
十刻十一日終篇賜宴道山堂及牙簡金帶研匣塗金
鞍馬香茗翌日進詩詔宣付史館

熙寧讀資治通鑑

二年九月戊辰初開經筵已巳召中丞呂公著侍經筵

先是治平四年

神宗已立

十月己酉

四日

初御邇英講讀甲

寅司馬光讀通鑑熙寧元年二月十一日御閣召王珪

范鎮司馬光呂公著吳申周孟陽講禮記讀史記資治

通鑑

光讀至蘇秦事

二年十一月庚辰光讀通鑑漢紀曹參事

因言參得守成之道三年四月癸未讀賈山疏因言從

諫之美拒諫之禍丁亥讀張釋之論嗇夫事元豐元年

三月壬午侍讀呂公著讀後漢書論治體

又論唐太宗公著以屈已

諷從諫
上

元祐讀稽古錄

見後

建炎通鑑解義

二年三月甲午詔經筵讀資治通鑑侍讀周武仲進讀
上掩卷問曰司馬光何故以紀綱為禮武仲敷述甚詳因

為通鑑解義以進紹興二年二月癸未始御講殿

經筵
久輟

至是乾道三年正月丙寅洪邁對選德殿上曰朕以閒

暇取尚書通鑑孜孜讀之帝王所以為帝王法戒其興

亡

孝宗每覽通鑑

謂通鑑萬世不刊之書於人主尤切

凡前事廢興人

才邪正必親題其要或為贊論箴詩寓褒貶之法慶

元乙卯二月讀通鑑嘉定十一年戊寅季春終篇進讀
續帝學四月己未宴祕書省

淳熙讀陸贄奏議

八年七月四日丙子進讀十三年癸卯

二十七日

今日讀半

冊作六講終篇五月十三日以終篇宴賜侍讀蕭燧等

進詩六月十三日程大昌奏唐人以諫名者更有魏徵
贊事德宗仁義為空言徵事太宗仁義為實效請以魏
徵諫錄接續覽觀詔繕寫以進先是九年四月辛亥上
曰朕每見贊論德宗事未嘗不寒心恐未免有德宗之
失卿等可條具缺失來上十三年三月十一日燧等言
退朝之後聽數千言而不倦又特於雙日躬御邇英蓋
故事所未有請付史館彰不矜不伐執古御今之意從
之淳熙元年九月蔡戡奏論貞觀諫錄上曰從諫太

宗所長此書置之坐右可為規鑒

慶元讀兩朝聖政 嘉定讀高宗寶訓

慶元元年正月詔祕省寫高孝聖政二書御殿日閱數條以為定式 高宗聖政始於嘉泰三年四月凡六年而六十卷之書畢 嘉定六年十一月三日讀高宗寶訓十四年七月閱八年而七十卷之書畢十八日侍讀葉時等奏陛下以聖繼聖駿惠先猷商宗監成憲成王酌祖道不專美矣

太平興國讀文選

呂文仲傳興國中上召文仲與舒雅杜鎬吳淑詣便殿
讀古碑一篇又令文仲讀文選賜鞍勒翌日又召文仲
讀江海賦賜錢三十萬充翰林侍讀寓直御書院與侍
書王著更宿又書學葛湍亦直禁中太宗每暇日或多
召從容問文仲以書史著以筆法湍以字學再為侍讀
一日召於崇政殿讀上章書經史故實數十軸詔模刻
於石 崔頤正傳雍熙中太宗召見令說莊子一篇賜

錢五萬 杜鎬傳太宗觀書祕閣詢鎬經義賜金帛

張揆進讀漢馬后紀至服大練抑止外家因言今妃族
太盛不可不裁損使保其家仁宗嘉納 趙師民讀漢
紀問長安城因陳自古都雍年世舊址所在若畫諸掌
帝悅 聶冠卿進讀左氏春秋必引尊王黜霸之義以
諷 孫抃讀史記龜策傳帝問古人動作必繇此乎對曰
聖人不專人謀默與神契 治平二年司馬光言講解
未盡乞賜詰問或記憶未詳許退歸討論敷奏 開寶

讀漢書而感于張治獄之無寃

六年五月

雍熙讀晉史

而謂後宮煩費之當戒

元年正月丁丑

端拱讀漢書而感賈誼

之激切

元年

淳化覽唐史而譏太宗之好名

真宗謂三國

志足為監戒

景德二年二月

適時用莫若漢史

四年

景德覽六朝

實錄而言褒貶之不當

四年四月丁丑

祥符讀前史必究事之

終始有未見本末者必記之他日異書中可以質正

元年

正月壬申

蘇軾進讀金華日陳六事

元祐

讀漢書摘切於

治體者

紹興二十七年十月王師心奏

惟昔咸平之盛稍循天策之

規遴擇英髦進陪講讀書則密承於顧問夕則遞宿於
禁嚴程頤以敬涵養君德范祖禹以和開導主意勸講
猶有分章析理之勞進讀專以因事獻言為職進陽
父退陰位如昭素之辨乾龍闢君子闔小人若馮元之
推泰象易扶聖人之精意大義安國所以被遇於仁
宗繹孔子之善行嘉言尹焞所以受知於高廟

論語

玉海卷二十六